



АКАФИСТ
СВЯТОМУ М҃ЧЕНИКУ
БОНИФАТІЮ

Тропарь, глас 4

Мученик Твой, Господи Вонифатие,
во страдании своем венец прият нетленный
от Тебе Бога нашего имеяй во крепость Твою,
мучителей низложи,
сокруши и демонов немощныя дерзости,
того молитвами спаси души наши.



АКАФИСТ

СВЯТОМУ МУЧЕНИКУ ВОНИФАТИЮ

Кондак 1

Избранный воине Христов, венцем славы украшенный, мученической смертию вечныя смерти избавивыйся, от мрака греховнаго отвративыйся и к вечному свету пришедый, прими моление наше, в похвалу тебе приносимое, и нас избави от сетей лукаваго врага нашего, да тебе с радостию победною зовем:

Радуйся, Вонифатие, мучениче многострадальный.

Икос 1

Ангелом светлым, огонь мучений твоих росюю благодати угасившим, огражден был еси, страдальче Христов Вонифатие, да не когда яко грешник нераскаянный погибнеш и пред Господем в одежде мрачней предстанеш. Научи и нас обещися в светлыя ризы святости, тебе зовущих:

Радуйся, жизнь за Христа отдавший; радуйся, страданиям Его подражавый.



Ра́дуйся, о́чи своя́ к Бо́гу обрати́вый; ра́дуйся, во́лю свою́ в добродéтелях укрепи́вый.

Ра́дуйся, рабé Христовъ вѣрный; ра́дуйся, святы́й конѣцъ жити́я своего́ приѣмый.

Ра́дуйся, к покая́нию се́рдца обраща́я; ра́дуйся, Ду́хом Святы́м просвеще́нный.

Ра́дуйся, собла́знами ми́ра сегó не прельще́нный; ра́дуйся, зми́я лука́ваго посрами́вый.

Ра́дуйся, святы́х ликъ возвесели́вый.

Ра́дуйся, Вонифа́тие, му́чениче многострада́льный.

Кондак 2

Ви́дя многомяте́жие ми́ра сегó и печа́ли земны́я, и сия́ вся, я́ко прахъ вмени́в, к премирнымъ возвѣл еси́ ум твой, страда́льче Христовъ, на вы́соту́ Богоразу́мня возше́д, Христа́ Бо́га предъ все́ми испове́дал еси́ и ны́не ду́ши всехъ во гресѣхъ погиба́ющихъ к милосе́рдному Го́споду зове́ши, да во смире́нии пока́ются и во слеза́хъ умиле́нныхъ Ему́ вопию́т: Аллилу́иа.

Икос 2

Ра́зум трезвене́нием укрепи́л еси́ и страсте́й пла́мень покая́нием угаси́л еси́, Вонифа́тие предивный. От За́пада на Восто́к из Ри́ма прише́л еси́ спострада́ти Го́споду Иису́су Хри-



стѹ намѣреніе святоѣ нося, да благодать в тебѣ
преизобилует, нас ныне в Храм Божій привлѣкл
еси, тебѣ глаголющих:

Радуйся, страсти поборати научаяй, радуйся,
отчаянным надежду спасения подаваяй.

Радуйся, суету жизни земныя познавый;
радуйся страдания своя предсказавый.

Радуйся, трезвящихся отрадо и одобрение;
радуйся, немощных волею укрепление.

Радуйся, яко тобою от пьянства отвращаемся;
радуйся, яко тобою к Богу обращаемся.

Радуйся, исцелений источниче неисчер-
паемый; радуйся, чудес сокровище неоску-
деваемое.

Радуйся, научаяй присно возносить ум наш к
Богу; радуйся, обретый истинную от грехов
свободу.

Радуйся, Вонифатие, мучениче многостра-
дальный.

Кондак 3

Сила милосердия Божия неизреченная на
тебе открыся, ибо жития твоего, мучениче,
дивное повествование явно нам скажет, како
велии грешницы милостиво Отцем нашим Богом
приемлются, егда Ему покаяние принесут. Тако
и ты Богу угодил еси и вместо горькия смерти



Вѣчную Жízнь приял еси́, научи́ и нас Бóгу пѣти
всегда́: Аллилу́иа.

Икос 3

Име́я ны́не ра́дость вѣчную в небѣсных
селѣнiях, и нас на грѣшной землí не забыва́еши,
мучениче Христовъ Вонифатiе. Мы же
тружда́ющися и обременѣннии к тебѣ прибега́ем
не оста́ви си́рых и недужных, по́мощи у тебѣ
прося́щих, но мольбы́ наша на алта́рь небѣсный
принеси́, да ра́достно тебѣ зове́м:

Ра́дуйся, бли́жняго, я́ко себѣ само́го
возлюбивый; ра́дуйся, во гресѣхъ се́рдце свое́
не ожесточивый.

Ра́дуйся, страна́ником и пу́тником со вся́ким
тщани́ем служивый; ра́дуйся, сего́ ра́ди но́щью
сто́гны гра́да обходи́вый.

Ра́дуйся, бога́тыя милосе́рдию науча́яй;
ра́дуйся, си́рых и вдови́цы защища́яй.

Ра́дуйся, бе́дствующим до́брый предста́телю;
ра́дуйся, за оби́димых и унижа́емых присный
хода́таю.

Ра́дуйся, нестерпи́мою жа́ждою пи́анства
пали́мыя трезвлѣнием прохладжа́яй; ра́дуйся,
вина́ ра́ди обнища́вшия к трезвлѣ́нию
призыва́яй.

Ра́дуйся, же́ны рыда́ющия утеша́яй; ра́-



дуйся, слёзы их ко Гóсподу принеся́й.
Ра́дуйся, Вонифа́тие, му́чениче многостра-
да́льный.

Кондак 4

Бу́ри грехо́вныя тебе́ не пото́пиша, ниже́
во́лны страсте́й покрýша, му́чениче Христовъ не
поги́бл еси́, но ко Христу́ пришёл еси́ и жизнь
свою́ я́ко жёртву благово́нную Ему́, сладча́йшему
Спаси́телю нашему́, принёсл еси́. Моли́ся у́бо, да и
мы в житёйском мо́ре сýщии к ти́хому пристáнищу,
Гóсподу Спаси́телю, притеце́м, в умилéнии
зову́ще: Аллилу́иа.

Икос 4

Слы́шим и мы ева́нгельскую притчу, ка́ко
блудный сын на странé далéче имéние своё
иждívый, от гла́да душе́внаго в себé пришёд, во
объя́тия о́тчи притече́, в покая́нии зовы́й “Отче!
Согрешíх на нéбо и пред тобо́ю”, та́ко и ты,
му́чениче Вонифа́тие, не погуби́в себé, но от рожéц
грехá отврати́вся, ко Христу́ обрати́лся еси́. Мы же
по исправлéнию твоёмú раду́ющесея, поём ти си́це:

Ра́дуйся, глад крéпок в рабо́те страсте́м
испыта́вый; раду́йся, Христа́ Бо́га, я́ко хлéба
жива́го взалка́вый.



Ра́дуйся, пречи́стыя крѡви Егѡ, я́ко и́стиннаго пита́ния приобщі́выйся; ра́дуйся, я́ко пресла́вным му́чеником приложі́выйся.

Ра́дуйся, на крылѣх трезвѣнія к Бо́гу возлетѣ́вый; ра́дуйся, се́рдце своѣ́ горѣ имѣ́ый.

Ра́дуйся, ко Го́споду си́лой Животворя́щаго Креста́ пришѣ́дый; ра́дуйся, я́ко прия́л еси́ венѣ́ц побѣ́ды.

Ра́дуйся, душі́ на́шея сокрѡ́вище нетле́нное; ра́дуйся Це́ркве на́шея украше́ние многоце́нное.

Ра́дуйся, красоту́ ми́ра сего́ отверги́й; ра́дуйся, грехѡ́вную оде́жду с себе́ совлекі́й.

Ра́дуйся, Вонифа́тие, му́чениче многострада́льный.

Кондак 5

Боготѡ́чную Кро́вь Христо́ву, за всех нас недостѡ́йных и кро́вь му́ченическую за Христа́ проли́янную па́мятующи, си́це тебе́ веща́ше Агла́ида “Сам ве́си, сколь мно́гими грехми́ оскверне́ни есмь и о бу́дущем житія́ на́шего небреже́м. Аз же от Божѣ́ственного Му́жа слы́шах, я́ко му́чеников мо́щи спасѣ́ние да́руют, и́же му́ченика я́ко Храни́теля и ходата́я пред Бо́гом има́ть”. И мы тебе́ глаго́лем ты еси́ наш храни́тель



и ходатай пред Господем нашим, ибо со Ангелы предстоиши Пресвятой Троице, поя: Аллилуиа.

Икос 5

Видим ныне и разумеем, како сии глаголы Аглаидыдушутвою пробудиша, и тыквоздержанию призвал еси себе, мучениче Вонифатие, и нам помози подражати тебе, да не погибнем в пучине беззакония потопляеми, но радостно тебе зовем:

Радуйся, от страстей, яко от погибельнаго сна пробудивыйся; радуйся, от уз греховных свободивыйся.

Радуйся, сомневающихся в милосердии Божиим обличение; радуйся, безконечныя радости утверждение.

Радуйся, зовый нас к подвигу воздержания; радуйся, ты бо знамением Креста посеки еси страстей выграждение.

Радуйся, стяжавый себе вечное имение; радуйся, и нас пробуждая к труду спасения.

Радуйся, яко винное веселие презрел еси; радуйся, плотския раны, яко бесплотен, претерпел еси.

Радуйся, за исповедание Христа от врагов избиенный; радуйся, нестерпимым огнем за Него опаленный.

Радуйся, Вонифатие, мучениче многострадальный.



Кондак 6

Проповѣдница поклонѣнія святы́м мощѣмъ явѣся Агла́ида, госпожа́ твоѣя, страда́льче Христо́в, егда́ послá ты на Востокъ святы́я мо́щи мучениковъ, за вѣру Христо́ву пострада́вшихъ, принести́, ими́ же благодея́нія источа́ются обильно, и вѣчное спасѣние подаѣтся всемъ, к мученическому ли́ку усѣрдно притека́ющимъ. Да́ждь и намъ утешѣние от Го́спода прѣяти, ему́ же а́нгельскую пѣснь прино́сим: Аллилу́иа.

Икос 6

Воссия́л еси́ намъ, я́ко звезда́ незаходи́мая, дѣвнымъ жити́емъ твои́мъ, мучениче преблаже́нне, и́го Христо́во лёгкое и вседраго́е на себѣ прѣемъый и спасѣние получи́вый, путѣ́ бо благоче́стия безъ Христа́ Го́спода обрести́ ника́коже возмо́жно есть. Те́мже и насъ моли́твами твои́ми в го́рняя оби́тели приведи́, ты восхваля́ющихъ си́це:

Ра́дуйся, зако́на Христо́ва скрижа́ль, Бо́гом начертáнная; ра́дуйся, моли́тв к Го́споду миро́ благоухáнное.

Ра́дуйся, прáвыя вѣры Христо́вой сто́лпе о́гненный; ра́дуйся, честный вѣнче от за́поведей Бо́жиихъ, я́коже от ка́мений драги́хъ устроѣ́нный.

Ра́дуйся, трезвѣ́ния лѣстви́це небовосхо́дная;



ра́дуйся, болѣзни и ра́ны врачу́й грехо́вныя.
Ра́дуйся, я́ко от Го́спода Иису́са благода́ть
и си́лу прия́л еси́; ра́дуйся, я́ко свет Христо́в
сим возсия́л еси́.

Ра́дуйся, воздержáнием от грехо́в освяща́ти
пра́здники нас научáяй; ра́дуйся, от сме́ртнаго
вина́ нас охраня́яй.

Ра́дуйся, умерщвлѣнныя страстьми́ свѣтом
Христо́вым оживля́яй; ра́дуйся, ты́я к но́вому
жити́ю призывáяй.

Ра́дуйся, Вонифáтие, мучени́че многостра-
да́льный.

Кондак 7

Хотя́ оты́ти от до́му свое́го в путь на Восто́к,
кончи́ну жити́я твое́го предрéкл еси́, достохва́льне,
Агла́иде глаго́ля “Госпоже́ моя́, приими́ моё́ тѣло,
за Христа́ мучимое, егда́ его́ принесу́т ти”. В
душе́ твое́й мы́сль за Христа́ пострада́ти тая́, Ему́
сокровѣ́нно моли́лся еси́; и на́шу ве́ру укрепи́,
да бу́дем гото́ви и мы ея́ ра́ди страда́ти, Го́споду
пою́ще: Аллилу́иа.

Икос 7

Див́ному и пресла́вному исправлѣ́нию тво-
ему́ не ве́руя, помы́сли лука́вое в се́рдце сво́ем
Агла́ида, грехо́м бо хуле́ния оболга́ти тя хотя́ще,



тако отвеща ти “Ныне не глумления время, брате, но благоговения, ведый буди, яко мощи святых имаши носити. Господь же да пошлет Ангела Своего пред тобою и направит стопы твои милосердием Своим”. Мы же чистоту сердца твоего, дивный Вонифатие, зряще, вопием ти:

Радуйся, святых мощей почитателю; радуйся, благоговения образа нам подателю.

Радуйся, безчинств хранитися нам повелевый; радуйся, вся, о них же сынове века сего радуются, презреый.

Радуйся, известный наш помощниче; радуйся, святых мыслей тайнниче.

Радуйся, всем борющимся со грехами покровителю; радуйся, покаяния нашего пред Богом поручителю.

Радуйся, яко твоими молитвами Господь оставляет прегрешения; радуйся, помогаяй нам терпети скорби и поношения.

Радуйся, ликом ангельским сотворивый радость и удивление; радуйся, духов злобы приведый в посрамление.

Радуйся, Вонифатие, мучениче многострадальный.

Кондак 8

Странно тебе бысть языческое идолом служение, и ты, святей мучениче, в Тарс пришед,



не преклонил еси колён пред богами чуждыми, но апостолом показался еси ревнитель. Тёмже молися за ны, да возгоримся и мы огнём любви ко Владыце Христу поюще всегда: Аллилуиа.

Икос 8

Весь распалился еси ревностию святою, хуления на Господа не терпя, и исполнился еси Духа Божия, ослепление и безумие поклоняющихся ложным богам обличая. Сего ради царь нечестивый казнь наведё на тя, мучениче, горькую, бичми нестерпимо бия и раны нанося неисцельныя. Мы же похвалу поём:

Радуйся, зловерия обличителю дерзновенный; радуйся, в правду Божию, аки в броню облечённый.

Радуйся, яко кости твоя за Христа обнажася; радуйся, яко чистота души твоея тогда открывашася.

Радуйся, яко наследовал еси небесная селения; радуйся, яко и ныне обличаеши злых человек на Христа хуления.

Радуйся, за Христа острыми тростями прободаемый; радуйся, Сада Райского цвете неувядаемый.

Радуйся, яко злато горнилом язв очищённый; радуйся, за Христа ударённый.



Рáдуйся, кончи́ною своёю Бо́гу угоди́вый;
ра́дуйся, да́же до сме́рти му́ченической его́
возлюби́вый.

Рáдуйся, Вонифа́тие, му́чениче многостра-
да́льный.

Кондак 9

Всего́ себё Го́споду Бо́гу преда́в страсотёрпче
Христо́в, егда́ нечести́вый царь повеле́ раскры́ти
уста́ твоя́ и о́лово кипя́щее вли́ти, ру́це своя́
воздвигл еси́ к не́бу, та́ко моля́ся “Го́споди, Бо́же
мой, Иису́се Христé, укрепíтый мене́ в му́ках,
пребу́ди и ны́не со мно́ю, моя́ страда́ния облегчи́
и не оста́ви мене́ одолéну бы́ти лука́вым князе́м”.
Тем и нас любви́ ко Христу́ науча́еши, пою́щих
Бо́гу: Аллилу́иа.

Икос 9

Витíи суетму́дрении да реку́т нам, ка́ко о́лово
разже́ное гортáни твоея́ не опа́ли, ниже́ ина́го вреда́
тебе́ сотвори́, му́чениче Вонифа́тие. От Го́спода бо
зна́мения побéды над мучíтелем просíл еси́ и сие́
зна́мение тебе́ дано́ бысть. Сего́ ра́ди вси чудя́щиеся
воскли́цаху “Вéлий есть Иису́с Христос, ве́руем в
Тя, Го́споди”. Мы же сла́вим тя, му́чениче, си́це:

Рáдуйся, я́ко тобою́ ве́рнии просвещáются;



ра́дуйся, я́ко тобо́ю от посты́дныхя смёрти
избавля́ются.

Ра́дуйся, во еди́нем Христé утешéние
полага́й; ра́дуйся, во страда́ниях призывáти
Бо́га научáй.

Ра́дуйся, я́ко мучи́телие тебе́ не превозмо́гоша;
ра́дуйся, я́ко стра́сти тебе́ не поборо́ша.

Ра́дуйся, ты бо те́рния грехо́в в себе́ попáлил
еси́; ра́дуйся, ты бо огнём неопáлен пребы́л
еси́.

Ра́дуйся, прísно живы́й страсотéрпче
ра́достный; ра́дуйся, моли́твенниче наш
блáгостный.

Ра́дуйся, я́ко тобо́ю очеса́ грехми́ ослеплённая
отверза́ются; ра́дуйся я́ко по́мощию твоёю
печа́ли на ра́дость прелага́ются.

Ра́дуйся, Вонифáтие, мучени́че многостра-
да́льный.

Кондак 10

Спасён бы́ти восхотéв, пла́менно возжелáл
еси́, до конца́ за Го́спода пострада́ти, мучени́че
Вонифáтие, ему́же и возопи́л еси́ “Го́споди,
Го́споди, Бо́же мой, сподо́би мя мило́стей Твои́х
и бу́ди ми помо́щник, да за беззакóния моя́,
безу́мно соде́янные я, враг не преградíт ми пути́
к небеси́ приими́ с миром ду́шу мою́, вчини́ мя с



мучениками, кровь за Тя пролившими и веру до конца соблюдшими”, и ныне вопиющими: Аллилуиа.

Икос 10

Стенá крѣпкая, ко́зными врагá неодоленна́я, пребы́л еси́ до конца́, мучени́че Христовъ. Егда́ же гла́ва тво́я от телесе́ отсече́на бысть, о чудесе́! А́бие кровь и млеко́ из ра́ны то́я истекóша, я́ко и неверным, чу́до си́е зря́щим, Христа́ просла́вити и с ни́ми зва́ти тебе́:

Ра́дуйся, я́ко муче́ния тво́я зря́ще, мно́жество люде́й ко Христу́ обрати́шася; ра́дуйся, я́ко тебе́ ра́ди на кня́зя зло́бы о́ни устреми́шася.

Ра́дуйся, тво́я бо кончи́на просвети́ умы́ помраче́нныя; ра́дуйся, тво́я бо сла́вная смерть воскреси́ со́вести во гресѣх погребѣнныя.

Ра́дуйся, нераска́янных грѣшников обличе́ние; Ра́дуйся, во́лей рассла́бленных от вина́ исцеле́ние; ра́дуйся, в но́щи неведе́ния блужда́ющих вразумле́ние.

Ра́дуйся, злата́я уди́це, из глубины́ грехо́в влеку́щая ко спасе́нию; ра́дуйся, я́ко от Бо́га в моли́твах услы́шан был еси́.

Ра́дуйся, я́ко в Небе́сном Ца́рстве всели́лся еси́; ра́дуйся, порфи́рою от крове́й твои́х облече́нный.



Ра́дуйся, я́ко зри́ши ны́не свет неизрече́нный.
Ра́дуйся, Во́нифа́тие, му́чениче мно́гостра-
да́льный.

Кондак 11

Пе́ние немóльное прино́сиши Го́сподеви,
му́чениче Во́нифа́тие, с му́ченическими ли́ки
Пресвяте́й Трои́це предсто́я, за ню́же себé преда́л
еси́, да и мы, ду́ши сво́я, а́ки неvéсты укра́сивше,
нетле́нному Жениху́ Христу́, предста́вим со
освяще́нною пе́снию: Аллилу́иа.

Икос 11

Свет любве́ и по сме́рти возсия́л еси́, Во́нифа́тие
ди́вный, егда́ бо дру́зи твою́ усече́нную главу́
обрéтше, пла́кахуся го́рько, глаго́люще “Ра́бе
Христов, забуди́ нам грех непра́веднаго осужде́ния
и безрассу́дных руга́ний на́ших”. Тогда́ лик твой,
я́ко луча́ми живы́ми просвети́ся, прощэ́ние им
явля́я. Сего́ ра́ди с любóвию тебе́ зовём:

Ра́дуйся, имéяй уста́ кро́тости сладко-
веща́нная; ра́дуйся, любве́ вме́стилище
простра́нное.

Ра́дуйся, о тебе́ бо весели́тся Це́рковь со
сво́ими ча́ды; ра́дуйся, ты бо пришёл еси́ к
Вы́шнему Небе́сному Гра́ду.

Ра́дуйся, в сме́рти своéй апо́столом ра́вный;



ра́дуйся, ре́вностию по Бо́зе пресла́вный.

Ра́дуйся, житёйския молвы́ обличая́й и злы́е сплетёния; ра́дуйся, всех нас от вра́жия избавля́яй ловлёния.

Ра́дуйся, ты бо защища́еши неправедно гони́мья; ра́дуйся, пред престόлом Господним лампа́до неугасима́я.

Ра́дуйся, по за́поведи Христо́вой и враго́в любивы́й; ра́дуйся, злосло́вие и клеветы́ позабы́вый.

Ра́дуйся, Вонифа́тие, му́чениче многострада́льный.

Кондак 12

Благода́ть исцелёний точа́щая мо́щи тво́я егда́ к Ри́му приближа́хуся, А́нгел Господень яви́ся Агла́иде, глаго́ля “Бы́вшаго ти дре́вле раба́, ны́не же на́шего бра́та и сослуже́бника приими́, я́коже Влады́ку, и упоко́й до́бре, да греси́ тво́и оста́вятся”, той бо с на́ми ны́не в небесе́х поёт Всевы́шнему: Аллилу́иа.

Икос 12

Пою́щи чудеса́ тво́я, храм дивный созда́ тебе́, во́ине Христо́в, Агла́ида, в нем же и мо́щи тво́я положи́ и сама́ бога́тство ни́щим разда́вши и пятьна́десят лет в по́двизех поста́ и пока́яния поживши,



лика святых достиже. Темже, величающе чудеса твоя, прославляем тя сие:

Радуйся, душу свою сотворивый, яко храм Богу прекрасный; радуйся, чудных Божиих дел книга ясная.

Радуйся, от внезапных смерти избавляяй; радуйся, скорбных жены от злых пианиц ограждаяй.

Радуйся, падшия к возстанию от грехов призываяй; радуйся, свет чистоты им подаваяй.

Радуйся, ты бо укрощаеши страстей огневицу; радуйся, тобою бо оставляем греховную темницу.

Радуйся, малая чада от соблазнов мира соблюдаяй; радуйся, тыя Христова учению наставляяй.

Радуйся, вестнике трезвости, вовеки прославленный; радуйся, угоднике Христов, присно почитаемый.

Радуйся, Вонифатие, мучениче многострадальный.

Кондак 13

О предивный мучениче Христов Вонифатие, прими от нас сие малое похвальное приношение, еже пред иконою твоею колена преклоньше и



руце свой к тебе простёрше тебе ныне приносим, даруй нам твоё пред Господом заступленье, наипаче же погибающим от пианства братьям нашим исцеленье ниспосли, жития благаго начало положить всех нас сподоби, да спасенье улучивше молитвами, вовеки восхвалим Бога, поюще Ему: Аллилуиа.

(Этот кондак читается трижды).

Икос 1

Ангелом светлым, огонь мучений твоих росюю благодати угасившим, ограждён был еси, страдальче Христов Вонифатие, да не когда яко грешник нераскаянный погибнешь и пред Господом в одежде мрачней предстанешь. Научи и нас обещися в светлыя ризы святости, тебе зовущих:

Радуйся, жизнь за Христа отдавший; радуйся, страданиям Его подражавый.

Радуйся, очи своя к Богу обративый; радуйся, волю свою в добродетелех укрепивый.

Радуйся, рабё Христов верный; радуйся, святы́й конец жития своего приёмый.

Радуйся, к покаянию сердца обраща́й; радуйся, Ду́хом Святы́м просвещённый.

Радуйся, соблазнами мира сего не прельщённый; радуйся, змия лукаваго посрамивый.

Радуйся, святы́х лик возвеселивый.



Рáдуйся, Вонифáтие, мучениче многостра-
дáльный.

Кондак 1

Избрáнный во́ине Христóв, венцём сла́вы укра-
шенный, мученической смёртию вѣчныя смёрти
избáвивыйся, от мра́ка грехóвнаго отвративыйся
и к вѣчному свѣту пришéдый, приими́ молéние
наше, в похвалу́ тебе́ приносíмое, и нас избáви от
сетей лука́ваго врага́ нашего, да тебе́ с рáдостью
побéдною зовём:

Рáдуйся, Вонифáтие, мучениче многостра-
дáльный.

МОЛИТВА

О многострадáльный и всехва́льный
мучениче Вонифáтие! Ко твоему́ заступлénию
ны́не прибега́ем, молéний нас, пою́щих тебе́,
не отвёржи, но мило́стиво услыши нас. Вѣждь
брати́ю и сѣстры́ наша, тяжким недúгом
пиáнства одержи́мая, вѣждь тогó рáди от
мáтере своея́, Цѣркве Христóвой и вѣчнаго
спасéния отпада́ющия. О святы́й мучениче
Вонифáтие, косни́ся сѣрдцу их да́нной ти от
Бо́га благода́тию, ско́ро возста́ви от падéний



греховных и ко спасительному воздержанию
приведи их. Умоли Господа Бога, Его же ради
страдал еси, да прости нам согрешения наша,
не отврати милости Своей от сынов Своих,
но да укрепит в нас трезвение и целомудрие,
да поможет Своею десницею трезвящимся
спасительный обет свой до конца сохранить во
дни и ночи, о нем бодрствующе и о нем добрый
ответ на Страшном Судилище дати. Приими,
угодниче Божий, молитвы матерей, о чадах
своих слезы проливающих; жен честных, о
мужех своих рыдающих, чад сирых и убогих,
от пьяниц оставленных, всех нас, иконе твоей
припадающих, и да придет сей вопль наш
молитвами твоими ко престолу Всевышнего
даровати всем по молитвам их здравие и
спасение душ и телес, наипаче же Царство
Небесное. Покрой и соблюди нас от лукаваго
ловления и всехкозней вражиих, в страшный час
исхода нашего помози прейти непреткновенно
воздушные мытарства и молитвами твоими
избави вечнаго осуждения. Умоли же Господа
даровати нам к Отечеству нашему любовь
нелицемерную и непоколебимую, пред врагами
Церкве святыя видимыми и невидимыми силу
непобедимую, да покрывает нас милость Божия в
нескончаемая веки веков. Аминь.



ЧТЕНИЕ АКАФИСТОВ В ХРАМЕ РОЖДЕСТВА ПРЕСВЯТОЙ БОГОРОДИЦЫ

В храме Рождества Пресвятой Богородицы (с. Три Озера, Спасского благочиния, Казанской митрополии, Чистопольской епархии) каждое воскресенье совершается молитва по соглашению – чтение акафиста святому мученику Вонифатию (о страдающих пьянством, наркоманией, курением, блудом) в 17.00 (по московскому времени). Эта молитва является молитвой по соглашению, многие люди молятся, находясь в разных местах, в одно и то же время, разъединённые подчас большими расстояниями, но объединённые общей церковной и частной молитвой.

Заказав акафист в нашем храме, нужно читать его и дома, в тот же день и в то же время, что и в нашем храме.

Имеются многие свидетельства от людей, получивших милость Божию после чтения акафиста.

Заказать акафист можно непосредственно в храме, а также почтовым переводом по адресу: 422845, РТ, Спасский район, с. Три Озера, ул. Матросова, д.4, Кавиной Татьяне Николаевне. В разделе «сообщения» указать имена и название акафиста. Дополнительная информация по номеру: 89274280503.